

Урывак зь Цвѣярскога летапісу*

Въ лето 6894 [1386], месяца марта въ 22 день, Святославъ князь великий смоленскый поиде съ силою великою, прииде ко Мстиславлю, воюа землю Литовскую; мучаху¹ смолняне имающе различными казньми, овыхъ имаху (въ) изби наметавъ зажигаху, а инии разбивааху клиниемъ, клети руки въкладааху въ стену зажигаху, а младенца на колье въстыкаху, зверообразне мучаху безчеловечено. И прииде Святославъ априля въ 18, на страстной недели, мьстиславци затворишася въ граде; и бысть назавтрее, въ польгобеда, появишася ко граду рать Литовскаа, князь великий Скрыгайло, а другой полкъ Кербутовъ, а 3-й полкъ Лугвений и Витовть, идуще вборзе. И смолняне смятошася, и начаша въобранятися смолняне, бе бо оплошилися, и съступиша(ся) подъ градомъ, гражане съ града зряще убиваемыхъ. И ту убиень бысть князь великий Святославъ, и сына его поимаша, Глеба и Юриа, и побежа множество, а иннии въ реце истопоша въ Вехре²; а князь великий Скрыгайло и Витовть посади(ша) наместника князя Юриа Святославича исъ своеа руки, а окупъ възма на Смоленску.

* Текст друкуецца паводле выдання: Тверская летопись // ПСРЛ. Т. 15. — СПб., 1863. — Стб. 443, 444.

¹ у арыгінале мучаху и ² у арыгінале вѣрхле